

**DATUM:** 11 MAART 2016 OM 09:00  
**ONDERWERP:** *Attacq the Future*-program sorg vir toekomsopgewondenheid by plaaslike leerders  
**EMBARGO:** **Geen – gebruik gerus**

---

**DIE ATTACQ THE FUTURE-PROGRAM STEL STELLENBOSCH LEERders BLOOT AAN GROOTSKAALSE EIENDOMSONTWIKKELING, TOPVLAK SAKELUI EN NUWE TOEKOMSPERSPEKTIEWE**

**WATERFALL, GAUTENG (SUID-AFRIKA) – Gabby Myburgh van Hoërskool Stellenbosch en Monique Bartsch van Rhenish Girls’s High School is deur Attacq Beperk, in samewerking met Eikestad Mall, die geleentheid gebied om as deel van hul *Attacq the Future*-program dié JSE-genoteerde maatskappy in Gauteng te besoek.**

“Dit was vir my verbasend om die produktiwiteit van ons land te aanskou en te sien hoe vinnig ontwikkeling kan plaasvind. Die verskeie komponente van Waterfall City is besonders goed geïntegreer,” meen Gabby Myburgh van Hoërskool Stellenbosch.

“My Waterfall City-ervaring was onbeskryflik. Dit is ongelooflik om te sien hoe tegnologie oor die afgelope jare ontwikkel en verbeter het. Dit is ook ongelooflik om te sien hoe hierdie projekte ‘n realiteit kan word en moontlik is. Dit was ‘n groot voorreg en ek sal dit nooit vergeet nie,” sê Monique Bartsch van Rhenish Girls’s High School ná haar besoek aan Attacq se Waterfall City (‘n nuwe stadbesteding vir korporatiewe hoofkantore tussen Johannesburg en Midrand) en die firma se nuwe supergroot streekswinkelsentrum Mall of Africa (wat op 28 April 2016 met meer as 300 winkels open).

Die *Attacq the Future*-program ondersteun onderwys en jeugontwikkeling in samewerking met die groep se streekswinkelsentrums in Stellenbosch, George en Potchefstroom. Die inisiatief stel hul in staat om hul betrokkenheid as verantwoordelike korporatiewe burgers by Suid Afrikaanse jeug uit te brei. Die program gee ook aan die toppresterders van skole wat naby hierdie Attacq winkelsentrums die kans om ‘n genoteerde maatskappy se finansiële resultate-voorlegging by te woon asook om self te leer van top sakelui oor hoe die JSE werk.

Leerders kry die geleentheid om sinvolle interaksie met die Attacq-uitvoerende bestuur te hê en ontwikkel ‘n beter begrip van wat die verskillende rolle van ‘n genoteerde maatskappy se topbestuur behels. Hulle word touwysgemaak oor die geskiedenis van die JSE en hoe maatskappye, soos Attacq, daarin slaag om in ‘n dinamiese sake-omgewing te floreer.

Dit is die derde agtereenvolgende jaar wat Attacq dié program aanbied. Die hoofbestuurder van die Eikestad Mall nader jaarliks die hoofde van omliggende skole om die toppresterders in ekonomiese en bedryfswetenskappe te nomineer. Die genomineerde kandidate skryf briewe wat hul deelname aan die projek motiveer. Die sentrum se hoofbestuurder kies dan twee leerders op grond van hul motiveringsbriewe om aan die program deel te neem. Hierdie

program is nie noodwendig op minderbevoorregte leerders gemik nie, aangesien daar oor die jare 'n balans tussen leerders van alle sosio-ekonomiese omstandighede was.

Volgens Jonel van Heerden (Eikestad Mall se finansiële kontroleur) is dit vir haar en Eikestad Mall 'n voorreg om as verantwoordelike anker-deelnemer van die gemeenskap by dié projek betrokke te wees. "Dit het vir die kinders baie beteken om te sien watter beroepsmoontlikhede daar op hulle wag en dat hierdie moontlikhede in Suid-Afrika beskikbaar is. Die leerders was vreeslik opgewonde oor die tegnologie wat Attacq benut en wat dit in die toekoms vir ons land en sy burgers sal beteken," vertel Van Heerden.

Die omvangryke hoofkantoor-stad Waterfall City met die reuse Mall of Africa en die PwC wolkebrabber het die leerders opnuut geïnspireer om hul toekoms met opgewondenheid aan te pak, aangesien dit nuwe potensiële bedryfsberoepsgeleenthede aan die leerders blootgelê het.

Nog 'n hoogtepunt van dié jaar se program was beslis die leerders se besoek aan die Group Five-hoofkantoor. Die omvang en buitengewone ingenieursvernuf van die gebou het die leerders uit die veld geslaan. Die gebou beskik oor talle groen-ontwerpelemente wat Attacq se toewyding aan volhoubare ontwikkeling ten toon stel.

Die leerders is ook oor aandete deur die diverse leierskorps van Attacq onthaal. Dit word doelbewus gedoen om leerders bewus te maak van die diverse span wat 'n tipiese genoteerde eiendomsmaatskappy benodig om hoë-operasionele sukses te behaal en te handhaaf.

Die program bevestig Attacq se toewyding aan die drie steunpilare waarop die besigheid gevestig is naamlik, ontwikkeling, belegging en groei: Attacq **belê** in Suid-Afrika se toekomsleiers en vestig leerders se aandag op hul vaardigheids**ontwikkeling**-potensiaal wat hul toelaat om as individue en toekomsleiers te **groei**.

Danny Vermeulen (Attacq se bemagtigingspesialis), is al sedert die program se ontstaan in 2015, daarby betrokke. "Die *Attacq the Future*-program gee aan leerders, wat onder normale omstandighede nie noodwendig die geleentheid sal kry nie, 'n kans om 'n groot korporatiewe omgewing eerstehands te ervaar. Ek wil graag die Attacq-storie met vandag se jeug deel en dit is my wens dat ons die leiers van môre met die kennis wat hulle vir die toekoms sal benodig, sal toerus en hulle aan die verskeidenheid beroepsgeleenthede wat dié bedryf bied, sal blootstel," het Vermeulen gesê.

**FIN**

---

## **REDAKTEURSNOTAS:**

**Hierdie verklaring is uitgereik deur Stone namens Attacq.**

**Kontak asseblief vir Willem S Eksteen van Stone** of die Stone-span by [attacqmedia@stoneconsult.net](mailto:attacqmedia@stoneconsult.net), [willem@stoneconsult.net](mailto:willem@stoneconsult.net) of 011 447 0168 vir meer media-inligting, foto's of onderhoudversoeke.

#### **MEER INLIGTING OOR ATTACQ:**

- Attacq is 'n vooraanstaande Suid-Afrikaanse kapitaalgroefonds in die eiendomsektor.
- Attacq se strategiese eiendomsbesit en -ontwikkeling lewer deurgaans groei op sy beleggers se kapitaal
- Attacq het 'n uiteenlopende beleggingsportefeulje met 'n voortreflike risikoprofiel – sy internasionale ontwikkelingsvoetspoort versterk die Attacq-diversiteit buite sy Suid-Afrikaanse portefeulje
- Attacq fokus op volhoubare kapitaal-waardevermeerdering deur die ontwikkeling en eienaarskap van 'n gebalanseerde portefeulje van eiendomme met kontraktuele inkomstestrome
- Attacq strewende na langtermyn volhoubare kapitaalgroei deur die daadwerklike belegging in en bestuur van grond, eiendomsontwikkelingsregte en beleggingseiendom en om voordeel te trek uit langtermyn, strategiese sleutel-verhoudings en strategiese belyning

#### **KERNFEITE OOR DIE EIKESTAD MALL**

- Die Eikestad Mall is in die hartjie van Stellenbosch, die tweede oudste stad in Suid-Afrika, geleë net 'n paar blokke van die universiteitskampus
- Die gebied is sedert die 1970's deel van Stellenbosch se sentrale sakekern
- Die winkelsentrum beslaan 'n totale grondoppervlak van 32 453 m<sup>2</sup>
- Die winkelsentrum het 97 huurders
- Checkers, Woolworths, Edgars, Foschini Group en Truworths Group is ankerhuurders van die winkelsentrum